



松蘿湖

「松蘿湖」在假新北市摺宜蘭縣合界个山嶼頂，係南勢溪个源頭。佢个行政區在新北市个烏來區，毋過蹶山个人會去到宜蘭个大同鄉蹶起，也算係宜蘭異有名个高山湖。因為山路溜溜難蹶、湖脣總有濛沙煙濛等，就像係一個幼嫩、得人惜又無恁簡單佢近个十七歲細阿妹，故所也有人安佢係「十七歲之湖」。

該年，大家坐火車到宜蘭火車頭聚總，換巴士到大同鄉个松羅村、看得著一隻大茶壺仔个玉蘭站下車。跔等茶山脣个馬膠路蹶往上，離登山口還有幾公里仔山路；大家蹶到捱捱挨該央時，攔著一臺載肥料上山个鐵牛仔，暢若若仔坐上阿伯个鐵牛仔摺阿伯打嘴鼓、講笑，一路同鐵牛仔拚聲骸，拚到登山口个大水塔。

比人較高个芒花、菅草摺登山口壅到塞塞尋無空，像係翁人講「路係人行出來个，大家愛煞猛！」樣仔。行過菅草，還有彎幹个細路、滑溜个石壁；堵著壁蹬个山路，大家手做腳、腳做手，四腳抓等樹藤擲往上。濕潤个山林肚有得人畏个「山湖蜞」，路脣徑啊過，毋堵好就分佢貼著了；該央時絕對毋好摺佢對擲，掖一息仔鹽分佢跑起來賊忒去就好。樹仔高天天遮擎个山林肚，有樂線樂線飛等个大揚蝶仔、有盲入夜就躉巴躉巴走出來尋食个鱧鯉、也有睡到躉神躉神對樹頂高跌下來个青竹絲。

行過杉仔林、踏過一條條大樹根、鑽過橫下來个大樹柁、看著一片纏等松蘿个檜(hi~no ki~)樹林，就到山嶼頂了。再溜一隻細崎仔，「松蘿湖」就到了。熱天个暗晡頭有熊仔聲在樹林肚呼呼滾、朝晨頭四圍山崙濛沙煙壅等、一彎 S 形水窟分天鵝絨樣仔个草坪摘等——該就係海拔一千三百公尺高个「松蘿湖」。

今年，佢又來到山腳下个玉蘭茶園。這擺佢來邊寮、食茶、食茶餐，無腳門力好蹶十公里个山了。茶山个阿伯用厥宜蘭客話摺佢打嘴鼓、講笑，講日本時代佢兜个祖輩仰般來到這位生活、種茶。佢俚一下鬥有、一時鬥無个客家話，聽到歸山園个茶樹都噓到咕咕顫。山頂个松蘿湖、山腳下个茶園，也都應等佢俚个笑聲。

作者：彭瑞珠

☆詞彙學習☆

【溜溜】liu tiu：濕滑。

【翁人】hib` ngin~：挑釁。

【聚總】qi zung~：集合。

【躉巴躉巴】ngong ba ngong ba：傻乎乎。

【馬膠路】ma` gau` lu：柏油路。

【呼呼滾】fu fu gun~：喘氣聲、風聲。

【捱捱挨挨】ngai~ ngai~ ngai ngai：呻吟、抱怨。

【腳門力】giog` mun` lid：腳力。

☆文法學習☆

【蹶往上】kied gong` song~：往上爬。「V + 往 + V_{方位詞}」趨向補語結構句型。往，在此處讀 gong~，用以表示動作行進的方向。例如：走往出（往外跑）、撻往入（推向裡面）。

例 1：佢行往出，毋知去哪了。（他往外走，不知去哪了。）

例 2：這下愛行往上抑係行往下？（現在該往北走還是往南走？）